



**Bou ons kinders vir
môre**

**Voorskoolse-
Sondagskool**

Les Titel: Die geboorte van Christus

'n Ouerhandleiding
Sondagskooltuisonderrig



Liewe Ouer

Welkom by die les: “**Die geboorte van Christus**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	<p>Versamel die volgende hulpmiddels om te verseker dat u vir die les gereed is:</p> <ul style="list-style-type: none">• Bybel• Die les in PDF-formaat wat reeds voorberei is• Kind se werkboek, potlode, kryte, ens.• Die kort video, wat 'n addisionele / opsionele hulpmiddel is• Kategismus in Vrae en Antwoorde (veral vir Konfirmasie) <p>Nota:</p> <p>2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou.</p> <p>2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie.</p> <p>2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)).</p> <p>2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.</p>
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Die geboorte van Christus
Bybelwoord	Lukas 2: 1-20
Lesdoelwit	Die kinders leer hoe ons Verlosser, Jesus Christus, gebore is.

Lesopsomming:

- Keiser (koning) Caesar Augustus wou hê dat 'n volkstelling van al die mense in sy koninkryk moes plaasvind en dat almal in hul tuisdorp moes geregistreer wees.
- Maria en Josef moes van Nasaret na Betlehem reis om geregistreer te word, alhoewel sy op die punt was om aan die Seun van God, Jesus Christus, geboorte te skenk.
- Toe hulle in Betlehem aankom, was daar baie mense en kon hulle nie blyplek vind nie. Die enigste plek wat hulle gekry het, was 'n stal.
- Maria se baba is gebore, toe draai sy hom in doeke en lê hom in 'n krip.
- Daardie nag het herders hul kudde in die veld naby Betlehem opgepas, toe engele aan hulle verskyn en hulle die nuus bring van die geboorte van die Verlosser, Jesus Christus. Hulle het ook vir die herders gesê waar hulle die Kind sou kry.
- Die Herders haas hulle toe om die Kindjie in Betlehem te vind.
- Hulle het Maria, Josef en die baba gevind wat in 'n krip gelê het.
- Daar was baie vreugde oor die geboorte van die spesiale Kind.
- Die herders het God geprys en vir almal vertel van hul ervaring van daardie nag.

Wat beteken hierdie les vandag vir ons?

- Jesus is die Seun van God en Hy is op die aarde gebore onder baie moeilike omstandighede.
- God het sy belofte vervul en sy Seun gestuur om ons te red.
- God sal altyd na ons omsien en aan voorsien wat ons nodig het.
- Jesus bring vrede en Hy is God se geskenk van liefde aan ons.



Sommige vrae wat ons kan vra:

1. Waar is Jesus gebore?

Antwoord: In Bethlehem, in 'n stal.

2. Waarmee was die herders besig toe die engele aan hulle verskyn?

Antwoord: Hulle het hul kudde / skape opgepas.

3. Watter nuus het die engel aan die herders gebring?

Antwoord: Die engel het hulle vertel van die geboorte van Jesus en waar hulle Hom sou kry

4. Waarin het Maria die baba Jesus toegedraai en waarin het sy hom neergelê?

Antwoord: Sy het Hom in doeke toegedraai en in 'n krip neergelê.

5. Wat het die herders gedoen nadat hulle Maria, Josef en die baba Jesus verlaat het?

Antwoord: Hulle het God geprys en almal van hul ervaring vertel

'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien, En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen

'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie.

Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.